



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-011-1039/03

Sarajevo: 18.7.2003.

Z A P I S N I K

**Devete radne sjednice Ustavno-pravne komisije Doma naroda Parlamentarne skupštine
Bosne i Hercegovine, održane 18.7.2003.god.**

Sjednica je počela sa radom u 09: 00 sati.

Sjednici su nazočni bili članovi komisije: Ilija Filipović, Tomislav Limov, Hilmo Neimarlija, Nade Radović i Boško Šiljegović. Izostanak je opravdao član Komisije Halid Genjac.

Pored članova komisije sjednici su nazočni bili: savjetnik u Predsjedništvu BiH Anto Grbić i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

D N E V N I R E D :

1. Usvajanje Zapisnika s 8. sjednice Ustavno-pravne komisije Doma naroda;
2. Plan mjera i radnji na poboljšanju sigurnosne situacije u BiH– predlagatelj Vijeće ministara BiH;
3. Zaključak i Prijedlog dokumenta “Sigurnosna politika BiH” – predlagatelj Predsjedništvo BiH;
4. Prijedlog odluke o davanju suglasnosti za ratificiranje Općeg sporazuma o povlasticama i imunitetima Vijeća Evrope, Pariz 2.9.1949., i Protokola od 6.11.1952. – predlagatelj Predsjedništvo BiH;
5. Tekuća pitanja.

Ad.1. Usvajanje Zapisnika 8. sjednice Ustavno-pravne komisije Doma naroda

Primjedbe na Zapisnik 8. sjednice Ustavno-pravne komisije iznio je predsjedatelj komisije koje se odnose na sljedeće:

1. U zapisniku i Izvješću je izostavljena činjenica da je Ustavno-pravna komisija Doma naroda predložila i usvojila Amandman XXXIX (“član 60. mijenja se I glasi: Ovaj Zakon stupa na snagu danom objave u “Službenom glasniku BiH”)

2. U zapisniku i Izvješću nema Amandmana delegata Halida Genjca koji je usvojen i koji je naknadno dostavljen Domu naroda usljed tehničke greške, a koji se odnosi na član 9. stav 4. i mjenja se i glasi: “Učenici koji ne žele pohađati vjeronauku neće ni na koji način biti dovedeni u nepovoljan položaj u odnosu na druge učenike”

Komisija je zaključila da se izvrše ispravke Zapisnika i Izvješća te da se o Zapisniku sa 8. sjednice Komisija izjasni na sljedećoj sjednici.

Ad.2. Plan mjera i radnji na poboljšanju sigurnosne situacije u BiH– predlagatelj Vijeće ministara BiH

U raspravi o ovoj tački dnevnog reda učestvovali su Tomislav Limov i Nade Radović. Komisija je izrazila nezadovoljstvo što se niko od predlagača nije pojavio na sjednici komisije. Ustavno-pravna komisija je jednoglasno prihvatila da navedeni dokument ide u dalju parlamentarnu proceduru prema Domu naroda, s preporukom da se Dom vrlo žurno uključi u osiguranje parlamentarne kontrole sigurnosnih službi u BiH.

Ad.3. Zaključak i Prijedlog dokumenta “Sigurnosna politika BiH” – predlagatelj Predsjedništvo BiH

Članovima Komisije ispred predlagatelja se obratio savjetnik u Predsjedništvu BiH Ante Grbić. Učešće u raspravi o ovoj tački dnevnog reda uzeo je i Tomislav Limov. Ustavno-pravna komisija Doma naroda Parlamentarne skupštine BiH je jednoglasno prihvatila navedeni dokument, te ga upućuje u dalju parlamentarnu proceduru Domu naroda Parlamentarne skupštine BiH, uz preporuku da Dom naroda prihvati isti.

Ad.4. Prijedlog odluke o davanju suglasnosti za ratificiranje Općeg sporazuma o povlasticama i imunitetima Vijeća Evrope, Pariz 2.9.1949., i Protokola od 6.11.1952.

Članovima Komisije u ime predlagatelja obratio se savjetnik u Predsjedništvu BiH Anto Grbić. U raspravi niko nije učestvovao. Komisija je jednoglasno prihvatila navedeni Prijedlog Odluke, te ga upućuje u dalju parlamentarnu proceduru Domu naroda, uz preporuku da Dom da saglasnost za ratificiranje istog.

Ad.5. Tekuća pitanja

Pod tekućim pitanjima Predsjedatelj Ustavno-pravne komisije je delegirao tri pitanja koja su jednoglasno prihvaćena:

1. Da svi učesnici Okruglog stola koji su učestvovali u diskusiji ukoliko žele izvrše autorizaciju svoje diskusije radi mogućeg publikovanja Okruglog stola na temu Odnos i nadležnosti institucija BiH i entiteta. Na samoj sjednici članovima komisije je podjeljen neautorizovani transkript Okruglog stola;
2. Da se sa danom održavanja devete sjednice Ustavno-pravne komisije Doma naroda napravi izvještaj o radu Ustavno-pravne komisije Doma naroda i dostavi delegatima Doma naroda sukladno Zaključku Kolegija Doma naroda Parlamentarne skupštine BiH;
3. Komisija je razmatrala predstavku sindikata “Centra Skenderija” Sarajevo i zaključila da se od nadležnih organa Kantona Sarajevo zatraži informacija po ovom pitanju.

Komisija je završila sa radom u 10:30 sati.

Tajnik komisije
Dipl.iur. Aljoša Čampara v.r.

Predsjedatelj komisije
Ilija Filipović dipl.iur. - v.r.